

أعظم (3) صفقات في عشر ذي الحجة | #إيفينت_شبابي | د .

حازم شومان

حازم شومان

اه الحمد لله وكفى وصلاة وسلاما على عباده الذين اصطفى. اللهم لك الحمد كله ولك الملك كله. وببيدك الخير كله واليك يرجع كله.

اللهم صل وسلم وزد وبارك على الحبيب محمد. وعلى ازواجه امهات المؤمنين وعلى ذريته وال بيته. انك حميد مجيد. اما بعد -

[00:00:00](#)

آأ اول حاجة يعني قبل ما نبدأ اللقاء يا جماعة آأ انا عايز اقول لكم ان انا فرحان اوي باللقاء ده. فرحان والله فعلا. يعني دي من افرح

[00:00:25](#) لحظات حياتي -

وانا قاعد معكم انا ما اعرفش انتم فرحانين ولا لأ. بس انا بالنسبة لي انا فرحان جدا. ولو خيرت بين الايفينت ده ولو خيرت بين اللقاء

[00:00:35](#) ده وبين مليون دولار -

لاخترت فورا بلا تردد. المليون دولار يا جماعة بصوا اوعوا تفهموني صح. خليككم معي. نركز ولا تخرج قبل ان تقول سبحان الله.

[00:00:51](#) اسمعني بس. انا لو خيرت والله العظيم يا جماعة لو خيرت بين -

هذا اللقاء وبين ايسون فورتين بروماكس. مع نضارة ابل الجديدة الفور كيه اللي اتناشر كاميرا الست سماعات. الفي ار اللي بتدخلك

[00:01:08](#) في دنيا تانية. وحطوا لي الايفون قدامي والنضارة قدامي. وقالوا لي تدي اللقاء ده ولا تاخذ الايفون -

وما ترضوش ، لا اخترت فورا بلا تردد انتم تختاروا ايه ؟ ايفون ونضارة. اه يعني لو انت دلوقتي قدامك الايفون الفورتين اه بروماكس

ونضارة ابل تختاري ايه بجد بجد يا جماعة انا والله لاخترت بلا تردد هذا اللقاء على اي حاجة في الدنيا. ولو خيرت وربى يعلم ما -

[00:01:28](#)

في قلبي ما بين هذا اللقاء وما بين ربعميت مليون يورو سنويا من نادي الهلال السعودي ها زي العرض اتعرض على ميسي كده والله

لاخترت فورا بلا تردد هذا اللقاء. انتم اغلى من الدنيا والي فيها. لو النبي عليه الصلاة والسلام جه الوقتي وشاف الوشوش الجميلة -

[00:01:54](#)

وشاف الاميرات الجميلات اللي ماليين القاعة وشاف الشباب اللي زي الورد اللي اللي في لو النبي عليه الصلاة والسلام شاف المنزر

الجميل ده قالوا له يا رسول الله المنزر ده احسن ولا الدنيا والي فيها؟ النبي عليه الصلاة والسلام يقول لا لا لا دول اغلى من الدنيا

[00:02:14](#) والي فيها. انتم عند ربنا اغلى من الدنيا والي فيها. انتم -

عند حبيب الله محمد عليه الصلاة والسلام اغلى من الدنيا والي فيها. وده هدف اللقاء ده اصلا انك انت تحس بنتك. وان انت تحس

[00:02:34](#) بقيمتك وان انتم في وسط مجتمع حاجات -

كتير بتحطم احساسكم بقيمتكم. تعرفوا انتم عند ربنا قيمتكم شكلها ايه. فانا فرحان. الحاجة التانية اللي مفرحاني ان انا قاعد جاي

اتكلم معكم وانا نص القاعة اصدقائي. يعني دي حاجة طبعا آأ يعني احساسني يعني الواحد بيروح يدي ندوات في اماكن كتير في

[00:02:44](#) جامعات في آأ -

آأ في اي مكان ايفنتات آأ خطب جمعة دروس فمممكن بيبقى المسجد او المكان من اوله لاخره الواحد ما يعرفش فيه حد انما طبعا

نص اللي في القاعة بفضل ومنة الله اصدقائي آأ كتير يعني آأ الانسة مريم احمد جلال طبعا اللي كانت آأ سبب الفكرة بتاعة الايفينت

كله عشان ندعي لجاده الله يرحمها زي ما نعمل الوقتي ان شاء الله بازن الله. وعشان نتكلم مع بعض. اه طبعا فرح وكل دول اه اه طبعا اه يعني الادارة اللي كانت سبب في الترتيب الجميل ده. والشكل الجميل ده والترتيب العزيم بفضل ومنة الله اللي انا شايفه استازة ايمان حجازي - 00:03:24

ام ليانا آآ والبطلة لنا طبعا استاز محمد خير آآ القاعة مليانة اصدقاء يا جماعة. اللبس محمد سعد وسهير اللي انا ممكن اقول اسماء كتير اوي قاعدة قدامي دلوقتي وانا فرحان بها اوي. وفرحان ان انا شفتكم كلكم ونفسي ان احنا نفهم ان النبي عليه الصلاة والسلام غير - 00:03:44

العالم بالحب. النبي ما غيرش العالم بالوعظ القوي. النبي عليه الصلاة والسلام ما غيرش النبي غير العالم بالحب. النبي كان اكثر شخص بيقدر يحبه ويتحب عليه الصلاة والسلام. عشان كده اللي عايز منكم يغير الدنيا يفهم النبي غير الدنيا ازاى. واللي عايز منكم يغير القلوب يفهم النبي - 00:04:04

عليه الصلاة والسلام غير القلوب الزائفة كل دي اسباب يعني الواحد فرحان من اجلها. ولكن الواحد زعلان يا جماعة لان انا انا قالوا لي الايفينت ساعتين فانا كنت باحسب ان انا اتكلم ساعة - 00:04:24

ففوجئت دلوقتي ان هم بيقلولوا لي انت معك ثلاثين دقيقة. لان احنا معنا فقرات وهنعلن عن قافلة خيرية بازن الله سبحانه وتعالى تبقى يعني قافلة جنا ندى بازن الله وتبقى في ميزانها وفي ميزاننا كلنا. حاجة جميلة اوي. اوي اوي اوي. ان آآ جزاك الله خيرا - 00:04:34

حاجة جميلة اوي اه والدة جنى معنا انا عارف ان والدة جنى معنا بس انا يعني مش عارف حضرتك فين بالضبط آآ يعني وهتبقى فرصة جميلة طبعا ان انا اه يعني اسلم على حضرتك. اه وفعلنا انا وانا جاي انا مستغرب يا جماعة يعني يعني جنى الله يرحمها اه اه ربنا توفاه من فترة ولحد دلوقتي - 00:04:54

هل صالحة كتير اوي بتتعمل عشانها؟ حاجة جميلة قوي انك انت آآ يعني يعني لما تموت ما تتنساش زي ما النبي عليه الصلاة والسلام قال خير الاصحاب عند الله خيرهم لصاحبه. انا عارف ان فيه ناس جاية النهاردة بس عشان ندعي الجنة. عارف والله. عارف ان فيه ناس لحد النهاردة - 00:05:14

بتعمل لها اعمال صالحة. عارف ان فيه ناس لما هنيجي نعلن بقى ان شاء الله عن حاجة النهاردة. انا بقى لي فعلا كزا شهر بافكر فيها وباحاول ارتبها بس مش قادر - 00:05:34

قادر لان هي صعبة شوية في ترتيبها. بالزات انها تبقى قافلة خيرية. يعني شباب وبنات فعايزة ترتيب كويس جدا ان احنا هنعلن النهاردة بازن الله عن قافلة خيرية لها بازن الله. وطبعا انتم عارفين ان اي عمل انت بتعمله لحد من حبايبك وحد من اللي ساكنين قلبك توفاه الله ان - 00:05:44

لك اجر عند ربنا على العمل ده اكثر من لو كنت عملته لنفسك. يعني لو انت عملت عمرة لحد حبيبك توفاه الله. انت لك اجر عبد ربنا اكثر من اجر العمرة. هو له اجر العمرة. ولكن انت اجر اكتر من اجر العمرة. لانك انت بتؤثره على نفسك - 00:06:04

اه يعني فاحنا معنا حوالي نص ساعة نتكلم فيها قبل ما نعلن بقى عن اه قبل ما نكرم الناس طبعا الابطال والبطلات اللي حفزوا معنا سورة الرحمن اول عملناها على جروب جنا الله يرحمها. ولسه هنعلن عن دورة تانية بس في صورة نص صفحة. الصورة بسيطة جدا ولكن هتغير حياتك تماما - 00:06:24

وهتغير حياتك تماما. زي ما غيرت حياة العالم كله. زي ما غيرت حياة النبي عليه الصلاة والسلام. قبل السورة دي النبي ما كانش كان اسمه محمد رجل الاعمال المدير التنفيذي للشركة المالتى ناشيونال بتاعة السيدة خديجة. بعد السورة دي بقى محمد عليه الصلاة والسلام - 00:06:44

قبل الصورة دي كانت السيدة خديجة آآ امرأة رأسمالية عاملة شركة عالمية. بعد السورة دي بقت اول وزيرة في الاسلام. بعد السورة

الحياة اتغيرت. الدنيا اتغيرت بدأ ابطال الاسلام. والصحابة والصحابات يطلعوا طبعاً انتم عارفين سورة ايه؟ سورة العلق. سورة -

[00:07:04](#)

اقرأ باسم ربك الذي خلق وهنتكلم ان شاء الله هنعلن عن القافلة الخيرية باذن الله. ولكن آآ آآ يعني نبدأ بالكلمة دلوقتي باذن الله سبحانه وتعالى. اول حاجة عايز ان احنا ندعي من قلوبنا الوقتي آآ لجنى الله يرحمها وانا حاسس بمامتها. حاسس بها والله والدتها

[00:07:24](#) - فين

حبيبتي حبيبتي ما والله مصيبة يعني المعاشية اساس الفهم. انا يعني يعني حاسس يعني ان ابن ويعني ايه ان ضنا آآ يعني وانا مجرب الاحساس ده وعارفه كويس جدا. وحاسس باللي في قلبها. ولكن والله ما تزعلش. والله العزيز ما تزعلي. ولا تعرفي. يعني -

[00:07:45](#)

قد ايه ممكن تكون بنتك جنى ربنا وفر عليها هم الدنيا كله. ووفر عليها ابتلاءات في الدنيا ووفر عليها الام الدنيا. ووفر عليها اكتئاب الدنيا ويكون ربنا باذن الله في اللحظة دي وان شاء الله واحد واحد في القاعة. وواحدة واحدة دلوقتي كل حسنة في اللقاء ده في

[00:08:09](#) - ميزان جنى باذن الله

سبحانه وتعالى انا دايم اقول لزوجتي لما نفتكر خالد ابني الله يرحمه اقول لها يا بنتي ده اصطفاء. اقول لها انا مش لاقى حاجة

[00:08:29](#) - اقابل بها ربنا. والله ما لاقى حاجة

ربنا. هؤلاء انا انا عزائي في ابني ان دي الحاجة الوحيدة بعد حسن زني في رحمة الله اللي انا هاقابل بها ربنا. ان ده ابتلاء في حياتي

[00:08:39](#) - انا راضي عن ربنا فيه

وانا عارف ان موت الابن ده اصطفاء من ربنا. الابتلاء ده مش اي حد بيتلى به. لان لا يتخيل احد الابتلاء ده شكله ايه لا يتخيل احد قربنا سبحانه وتعالى يجعل جنة من اهل الفردوس الاعلى. اللهم اغفر لامتك جنى ندى يا رب. اللهم اغفر لها وارحمها. اللهم اجعلها من

[00:08:52](#) - اهل الفردوس

الاعلى. اللهم ارفع درجاتها في عليين. اللهم طمئن قلب امها وابيها واخوتها عليها. اللهم طمئن قلب اللهم طمئن قلوبنا جميعا عليها.

[00:09:11](#) - اللهم يا ربنا اجعلها الان تتنعم في رضوانك. اللهم اجعلها الان تتنعم في جنتك. اللهم -

اجمعها مع امها وابيها في الفردوس الاعلى. مع الحبيب محمد عليه الصلاة والسلام. اللهم يا ربنا اللهم اكرم نزلها اللهم اكرم نزلاء. اللهم

[00:09:31](#) - انك ارحم الراحمين. واكرم الاكرمين. وخير الراحمين. اللهم انك اكرم المنان. الودود -

اللطيف اللهم يا ربنا اغمرها بورك. واغمرها بلطفك واغمرها برحمتك. وطمئن قلب اهله عليها يا ارحم الراحمين. اللهم عايز اقول لكم يا شباب ان آآ آآ كلنا اتعلمنا ان الموت ده حاجة وحشة اوي. عشان كده بنزل اوي من الموت. الصحابة ما كانوا كده يا جماعة.

[00:09:51](#) - الصحابة

قربنا قال في القرآن ولقد كنتم تمنون الموت. عارفة عارفة يعني ايه تمنوت. لما بتغمضي عينيك قبل ما تنامي ساعات بتقعدي ثلاث ساعات قبل ما تنامي تحلمي. تحلمي بايه؟ تحلمي بحاجات كتير اوي نفسك فيها. تقعد تعيش مع حاجات كتير اوي امنيتك ايه -

[00:10:11](#)

ايه اللي انت قاعد تحلم به؟ الصحابة كان احلام اليقظة بتاعتهم ان هم يموتوا. اموت! هو الموت ده ممكن يبقى امنية! ما انا مش هشوف ربنا غير لما اموت انا مش هشوف الجنة غير لما اموت. ما انا مش هتنعم بنعيم ربنا غير لما اموت. ما انا مش هشوف الملائكة

[00:10:31](#) - مش هشوف النبي. انا مش هعيش النعيم الحقيقي

غير لما اموت الدنيا دي كلها دار ابتلاء. من هم الهم من من مشكلة لمشكلة كلها الام دراسة وراها سانوية عامة ورايا امتحان ورايا

[00:10:51](#) - جامعة آآ اتخطبت خطيبي سابني آآ اللي انا باحبها اتجوزت واحد غيري آآ لأ ده جا له سرطان وهو لسة شاب -

صغير. لأ ده حصل لابنه ابنه توفاه الله. لا لأ الان الام الام لحد ما بتيجوا في الاخر يا جماعة. انتم لسة شباب صغير انتم مش عارفين

[00:11:11](#) - نفسية بعد الخمسة واربعين وبعد الاربعين انت بتبقى نفسيتك عاملة متشرحة. من كتر الندب اللي الدنيا -

في نفسيتك. الان. الصحابة كانوا بيتمنوا الموت لان هم عارفين ان الدنيا دي ما فيش فيها حاجة يرتبط بها بحق وحقيقي. عارفين ان الحياة الحقيقية هناك لدرجة ان سيدنا معاذ ابن جبل وهو بيموت رضي الله عنه وارضاه. وكان بيموت بالطاعون. الطاعون ده عارفين كورونا. عارفين اللي بيموتوا في العناية المركزة - [00:11:31](#)

بسبب ان الاكسجين نزل ونايمين على تنفس صناعي بسبب كورونا. الطاعون بيعمل ازمة في التنفس. ضعف كورونا. ولكن ما فيش انابيب اكسجين. فسيدنا معاذ ابن جبل وهو بيموت مخنوق. فيكلم الموت بيألف قصيدة للموت ويقول للموت - [00:11:51](#)
اخنق خنقك. دي اخر كلمة قبلها قالها قبل ما يموت. اخنق خنقك. فوالله اني احبك. دا مؤلف اغنية قصيدة يقول لي الموت زود كمان. نزل الاكسجين كمان. انا باحبك انت الجسر اللي بيني وبين الجنة. انت الجسر اللي بيني وبين ان انا اشوف ربنا سبحانه وتعالى. انتم متخيلين يا جماعة زي ابو - [00:12:11](#)

الاشعري ده كان صحابي من اليمن واسلم على ايده ناس كتير وقعد يربيههم. وبعد كده جايبهم بقى مجموعة كده ده ميت راجل بقى بالنساء بولادهم رايعين يهاجروا للنبي بعد سنين طويلة. فمشتاقين للنبي اوي عليه الصلاة والسلام. قلوبهم متقطعة من الشوق - [00:12:41](#)

الله محمد عليه الصلاة والسلام بقى لهم سنين بيسمعوا عنه من ابو موسى الاشعري وما شافوهوش فهم رايعين المدينة عملوا اغنية الفوا اغنية تلاقي الفوج كله يغنيها. اغنية بتقول غدا ان القلب احبه. محمدا وصحبه. ماشيين - [00:13:01](#)
غنوا فوج رايع المدينة وماشي يغني. غدا نلقى الاحبة. محمدا وصعدا طبعي. ان الناس رايحة تشوف النبي في الدنيا. رايحة بتغني. انما ان سيدنا بلال خد الاغنية دي منهم وهو بيموت وهو بيحتضر بيغني الاغنية دي. مراته - [00:13:21](#)

قل وكر بقى. وكر بقى يا دي المصيبة اللي انا فيها. جوزي بيموت. شريك حياتي بيموت وهيسبيني. قال لها بل قولي طربا وتربا هو فيه فرقة آآ فرقة آآ فرقة اغاني قاعدة تغني وترة بقى قال لها غدا نلقى الاحبة - [00:13:41](#)
محمدا وصحبه. انت عارف يعني ايه مت انا هشوف محمد ابن عبدالله عليه الصلاة والسلام عايش معه. هشوف اصحاب النبي عليه الصلاة والسلام. هتنعم في الجنة. بيغني وهو بيموت! احنا محتاجين - [00:14:01](#)

فكرتنا عن الموت الموت بعيون اخرى. فيه ناس يا جماعة موتتها حلوة اوي وربنا وصف موتاتهم كتير. الرسول عليه الصلاة والسلام بيوصف لك اول لحزة موته اول خمس دقائق بعد الموت واول ساعة بعد الموت. واول ليلة - [00:14:14](#)
في القبر لناس عبت ربنا. فيقول ان العبد المؤمن اذا كان في انقطاع من الدنيا خلاص اتقطع كل اللي بينه وبين الدنيا ما عدش رجع لها ثاني اتته ملائكة انت متخيلة انقطاع من الدنيا كلمة صعبة اوي. زي ما الكهرا تقطع فجأة لا تكييف ولا نور ولا مايك ولا اي حاجة - [00:14:30](#)

فجأة كل حاجة قطعت. فجأة لا لا اصبر بس ما لكش دعوة بالمنزر ده. اذا كان في انقطاع من الدنيا واقبال من الاخرة. اتته انا عايزك تغمض عينك كده وتعيش مع اللحزة دي نفسك ان اللحزة دي تبقى اخر لحزة بتودع فيها الدنيا نفسك انك تعيشها - [00:14:52](#)
ملائكة بيض الوجوه. كأن وجوههم الشمس. تخيلوا انتم الملائكة كده وانا اللي بموت. وكلكم شموز طلعت كل واحد منكم وشه شمس منورة فيجلسون منه مد البصر. ده شمس واحدة بتنور الكرة الارضية - [00:15:12](#)

وبتبقى اوتو كلاب رباني انت متخيل كل ملك من الملائكة مد البصر شمس منورة فيجلسون منه مدى بصر ثم يأتي ملك الموت فيقول ايتها الروح الطيبة اخرجي الى رب راض غير غضبان. ما تخافيش - [00:15:32](#)

ربنا راضي عليك. ما تقلقيش. ربنا راضي ربنا راضي ما تقلقيش. ومعهم كفن من اكفان الجنة يعني ايه ؟ تب من ثياب الجنة. ليس الدنيا ده سيبك منه خالص هيلبسوها. تب من ثياب الجنة. وحانوت من حانوت الجنة برفان. من برفانات الجنة دي طالعة تقابل ربنا. ده طالع يا ابت - [00:15:54](#)

ربنا هيقابله بلبس السجن ده ازاى ؟ احنا في سجن. الدنيا سجن المؤمن. لازم تبقى نيولوك وانت طالع انت اول مرة هتسمع ربنا اكلمك في اللحظة ده ايه فاذا خرجت الروح اخزوها تخرج تسيل كما تسيل القطرة. عارفين يا جماعة - [00:16:18](#)

اهي بالزبط كده النبي مشبها اهو. بيقول لك خروج رح المؤمن ها بالزبط بالزبط شايفين الماية دهي شايفين الماية بس مات الله يرحمه. هو ايه ده! تخرج الروح تسيل كما تسيل القطرة من في السقاء. زي ما تقوم آآ ماية وتقوم - [00:16:38](#)

الماية مكبوبة كده ما فيش عزاب ما فيش الم. ما فيش ده ربنا شبه اللحظة دي بيقول وان الشيطان نشطا. يعني ايه النشاط؟ يعني تخيل كده انت قاعد في بيتك ولقيت صاحبك بيصفر لك من تحت او بيرن لك على الموبايل. فيه ايه يا ابني! طالعين على الساحل! احنا واحد صاحبنا عنده فيلا في مراسي وطالعين نقضي يومين هناك! يلا - [00:16:58](#)

يلا يلا مين يا ابني ده انا هانط من البلكونة! انا لسة هانزل من اسانسير ولا لسة هانزل من على السلم! انا معكم يا رجاله! ورايح بقمة وطالع فرحان اهو ده تشبيهه ربنا لروح المؤمن وهي رايحة على الدار الاخرة ليه ؟ فرحانة - [00:17:18](#)

فرحانة انها رايحة لربنا سبحانه وتعالى. فالرسول عليه الصلاة والسلام يقول فاذا خرجت روحه صلى عليه كل ملك في السماء صلاة الجنائز اللي فوق غير صلاة الجنائز اللي تحت. وصلى عليه كل ملك بين السماء والارض. انت متخيل ويشيع - [00:17:37](#)

في كل سماء مقربوها الى السماء التي تليها. ده ده بقى مشهد المشي بتاع الجنائز. بس دي جنازة روح مش جنازة الجسم. حاجات كتير اوي حلوة في الموت. والله يا جماعة. عشان كده الصحابة ربنا قال عليهم ولقد كنتم تمنون الموت - [00:17:57](#)

الموت مش وحش. بس نستعد له. وساعتها الموت بتاعك والموت بتاعك هيبقى اجمل في حياتك. يا هو انا دلوقتي قاعد مع قاعة مليانة بشر. زي انا قاعد مع قاعة مليانة ملايكة الرحمن وملايكة الفردوس الاعلى. حاجة جميلة - [00:18:17](#)

بس احنا نصدق بس احنا قلوبنا تصدق. بس احنا قلوبنا بيجي فيها اليقين على الموضوع ده الله يغفر لجنى ويرحمها ويغفر ويعف عن كل شاب ولكل بنت توفاهم الله في ست شباب ويغفر - [00:18:38](#)

لكل احبابنا اللي ربنا توفاهم. ويجمعنا مع احبابنا في الفردوس الاعلى يا رب. الحاجة اللي انا عايز اكلكم فيها الثانية بعد ان انا آآ اقول لكم لكل واحد آآ زعلان على حد حبيبته توفاه الله. ان انا اقول لكم يا جماعة ان الموت والله ما هو وحش بالمنز ده. الموت يا جماعة كان - [00:18:56](#)

بالنسبة للصحابة افراح. كانوا بيغنوا عند الموت. لان هم فاهمين ان هم رايعين لارحم الراحمين. رايعين للي اداهم كل نعمة في حياتهم. واحد السلف وهو بيموت فيضحك فيقولوا له اتضحك وانت تموت؟ فقال وكيف لا اضحك! وانا زاهد الى - [00:19:16](#)

الذي لم ارى الخير الا من بين يدي. هو انا شفت منه حاجة وحشة هو انا هو انا بادور على عربيتي! يعني وانا باشتري عربية عربيتي الجديدة. فكان بقى لي فترة بقى كنت بايع العربية اللي قبلها - [00:19:36](#)

فانا قاعد ادور فحد يعرض علي عربية فانا خايف ده في نصب كتير في العربيات ده فيه ممكن يتضحك علي فيعني اخو زوجتي قراءة العشرة وما شاء الله هو بيحفظ قرآن في نادي جزيرة الورد يعني الباش مهندس علي زيادة ممكن يبقى كتير منكم عارفينه. فقال لي كلمة حلوة اوي. قال لي انت خايف من ايه ؟ قلت له خايف العربية - [00:19:53](#)

تطلع وحشة. قال له هو ربنا عمل معك حاجة وحشة قبل كده ؟ الكلمة شقت قلبي. والله العظيم هو ربنا عمل معي حاجة وحشة قبل كده ؟ ما فيش حاجة وحشة وقد احسن بي. ربنا ما عملش معنا غير الحلو كله. خايفين من ربنا ليه ؟ سبحانه وتعالى. الحاجة الثانية اللي عايزين نتكلم فيها لانها حاجة مهمة جدا يا جماعة - [00:20:13](#)

احنا بعد اربعة وعشرين ساعة داخلين على اعزم ايام الدنيا عند الله. انا عايز كل واحد يركز. وعايز كل واحدة تركز. عايزكم تركزوا اوي لان العشر تيام اللي جايبين دول ممكن يكونوا لحظة فارقة في مستقبلك كله. ممكن يخرجوك في حنة تانية خالص في علاقتك بالله. ممكن - [00:20:33](#)

يخلوكي في حنة تانية خالص خالص. انا عايزك تركز معي. انا عايزك تنسى اي حاجة. موبايلك لو تقدر تقفله او تعمله صامت يا ريت. انا عايزك كلك تبقى وذن بتسمع كلام الله وكلام رسول الله عن اعزم عشر تيام في حياتك. وفي تاريخ - [00:20:53](#)

اللي هيبدأوا من اول بكرة المغرب. بكرة الاحد مع اذان المغرب هتبدأ اول ليلة الله اقسم بها في سورة الفجر قال وليال عشر فاقسم بالليل بتاع عشر ذي الحجة. رغم ان ان النهار بتاع عشر ذي الحجة ثوابه اعلى من الليل - [00:21:13](#)

فاذا كان ربنا اقسام بالليل وهو سوابه اقل. فما بالكم بسواب النهار! احنا داخلين على ايام عزيمة قوي. ميسي لما رفض ربعميت مليون
 يورو سنويا في نادي الهلال السعودي يا جماعة في عاقل يرفض ربعميت مليون - [00:21:33](#)
 اليورو بالتأكد مجنون. لأ ما هوش مجنون ولا حاجة. ده عاقل. ليه ؟ لان العرض بتاع انتر ميامي في امريكا العرض ده احسن من
 الارض ده بس على المدى البعيد. فميسي ما بصش لانه هياخد هنا ربعميت مليون يورو وهياخد هنا مسلا نص المبلغ هو بص لقدام -
[00:21:53](#)
 عشان كده الانسان العاقل هو اللي لما بيرفض صفقة بيرفضها لان فيه صفقة تانية احسن منها. لما ربنا يجيبك يوم القيامة. لما ربنا
 يقول لك يوم القيامة عشر ذي الحجة انت قصرت فيها ليه؟ هل حد كان عارض عليك صفقة احسن من - [00:22:13](#)
 ان انا عرضته عليك في عشر ذي الحجة يوم الصيام. لو انت صمت اي يوم عادي. بيباعد وجهك عن النار كم سنة؟ حد عارف قولي
 سهير محمد سعد بتقول سبعين سنة - [00:22:33](#)
 سها حبيبي معلش سلمي لي على سهيل بتقول سبعين سنة ربنا يباعد وشك عن النار. سبعين سنة! الله! طب حسنة في عشر ذي
 الحجة بتتضاعف كم درجة؟ ها انا ممكن اعمل لكم مسابقة بمتين جنيه - [00:22:48](#)
 مسابقة بمتين جنيه. الحسنة في عشر ذي الحجة بتتضاعف كم درجة يا شيخ! لا يا شيخ حازم انت انت مش عايزين مشايخ ها قل يا
 غالي كم ياه الحسنة قولي - [00:23:06](#)
 محمد تعال يا حبيب قلبي محمد جلال من المنزمين حبايبنا الوزه عوام يا رجالة خد يا غسل خد يا غالي الحسنة في عشر ذي الحجة
 بتضاع ده انا كنت جايب لكم جوايز كتير والله يا جماعة بس لسة ما وصلتش. الحسنة في عشر ولسه على فكرة معي فلوس يعني -
[00:23:27](#)
 فخدوا بالكم يعني وممكن على فكرة اسألکم اسئلة غريبة جدا بس هي برة الموضوع خالص يعني. واحد صاحبي كنا قاعدين كده من
 يومين سألني سؤال غريب جدا قال فاكهة من برة خضرا - [00:23:47](#)
 لأ حزب. ومن جوة حمرا. وفيها بزر اسود واول حرف منها نون طلع يا شيخ طلع تعالوا تعالوا خدي يلا بالهنا والشفاء. سلمي لي على
 بابا خد بالك يا ليس ها ماشي عرفتها منين يا جماعة ده انا ده انا تخيلت ده انا من ساعة ما سمعتها قلت انا - [00:24:07](#)
 اسألکم السؤال ده في الندوة وقاعد استمتع بقى ان ما حدش هيعرف الاجابة. ما شاء الله. ما شاء الله. محمد متنازل عنه لسؤال ثاني
 محمد جلال لا لا لا خد يا باشا معي معي اجابات سؤال ثاني. لا لا اديها له. ناخدها منه بعدها له دي جايزته. اه هنصص بعد اه فانا
 واقف كده - [00:24:41](#)
 بيقول من برة خضراء ومن اول حرف باء خلاص لازم نقول اول حرف نون. فاكشفت في الاخر انها نص بطيخة. فقام قايل طيب
 فجأة بقى من برة خضراء جوة حمرا وفيها بزر اسود. واول حرف كاف - [00:24:59](#)
 كمان نص بطيخة. والله العزيز ده انا ده انا ولادي طيبين اوي ما عرفوش الحاجات دي خالص الحمد لله. فكنا بنقول ايه ؟ كنا بنقول
 ان الحسنة ان يوم الصيام بيباعد الوجه عن النار سبعين سنة. والحسنة في عشر ذي - [00:25:14](#)
 الحجة بكام ضعف؟ سبعميت ضعف يبقى يوم الصيام في عشر ذي الحجة سبعين في سبعمية بكام تسعة واربعين الف بخمسين الف
 سنة يباعد وجهك عن النار يبقى لو صمت التسع تيام لان اليوم العاشر في عشر ذي الحجة اللي هو اول يوم العيد الكبير العبادة بتاعته
 مش صيام خدي بالك احسن تصومي اول يوم العيد وتقولي من عشر ذي الحجة هو - [00:25:34](#)
 في عشر ذي الحجة وهو اعظم يوم فيها بس العبادة بتاعته انك تتصلي بخالاتك وعماتك. العبادة بتاعته صلة الرحم. العبادة بتاعته
 اكتبوا لي ايد بابا وماما وتقولي لهم انا مش عايزة عادية. انا اجمل عيدية في حياتي ان انتم موجودين في حياتي. اه. واخدين بالكم
 يا جماعة والله هتبقى بص يعني هتاخدوا - [00:26:01](#)
 ميت سواب اه ابقوا خدوا العيدية في ثاني يوم في عشر ذي الحجة. اللي يبقى تسع تيام في خمسين الف نص مليون سنة يباعد الله
 وجهك عن النار بسبب الصيام بس في عشر ذي الحجة - [00:26:21](#)

ايه ده ربعميت مليون يورو بتوع ميسي دول ولا يسووا حاجة يا جماعة في اللي احنا بنقوله ده. ده ده عرض ثاني خالص. ما ينفعش ان حد يضيعه. يا اخوانا ما فيش - [00:26:38](#)

شاب في الدنيا ما يعرفش جوارديولا اللي خد السلاسية وكل ما يدرب فريق يخليه اعزم فريق. ما فيش شاب في الدنيا ما يعرفش ميسي ورونالدو ما فيش شاب في الدنيا ما يعرفش ليفربول ومانشستر سيتي ومحمد صلاح. ما فيش شاب في الدنيا ما يعرفش نيمار واه - [00:26:49](#)

في شاب في الدنيا ما يعرفش ده. وما فيش ملك في السما ما يعرفش عشر ذي الحجة. عشان كده ربنا قال ويذكروا اسم الله فيه ايام الايه في ايام الايه؟ لأ مش معدودات معلومات - [00:27:09](#)

المعدودات دي اللي هي ايام منى في الحج. اللي هي اللي هي يوم اتناشر وتلاتاشر واربعناشر من عشر ذي الحجة. الايام المعلومات العشر الاوائل من ذي الحجة. معلومات عند مين يا رب؟ عند ملايكة السما. ملايكة السما كلها بتتكلم عن عشر ذي الحجة. واحنا مش عارفين - [00:27:28](#)

واحنا مش عارفين ان الحسنة فيها بسبعمية ضعف. يعني حد يجيب لي مصحف يا رجالة. مصحف يا شباب! مصحف حد المصحف كم صفحة؟ ستميت صفحة الحسنة بسبعميت ضعف يبقى صفحة القرآن لو قريتها بكام صفحة؟ سبعميت صفحة يعني قرابة صفحة قرآن - [00:27:48](#)

عشر ذي الحجة اعظم من ثواب ختمة قرآن برة عشر ذي الحجة. مع ميت صفحة يعني كمان مع خمس اجزاء. احنا آآ ربنا ببساعدك انك تدخل الجنة ربنا يريد - [00:28:11](#)

ان قلبك ينور بطاعته. ربنا يريد انك انت تجاوزه في الفردوس الاعلى. ربنا بيديك كل التسهيلات دي ليه؟ ربنا بيديك كل تؤدي ليه؟ لان ربنا بيحبك. لان ربنا بيناديك. لما انا اعمل لك وليمة واجيب عشر خرفان ادفعهم واجيب تلاتين - [00:28:25](#)

ديك رومي اشوبهم واعملهم بالمكسرات واجيب بط واجيب حمام محشي واجيب آآ لحمه مشوية ريش اجيب واجيب واجيب واجيب. وفي الاخر ادخل القاعة اللي انا عزمتمكم فيها واحد واحد. وبعث لكم واحد واحد. حد يقول لكم ان انا عازمكم على العزومة دي. وصرفت - [00:28:45](#)

كثير اوي وفرحتي الوحيدة ان انتم تيجوا تاكلوا منها وتتبسطوا واجي ساعة العزومة الاقي نفسي قاعد لوحدي. الاقي تلاتة اربعة هم اللي جم. هابقي زعلان قد ايه اهو ده لو انت ما عبتش ربنا في عشر ذي الحجة. ربنا عرف ملايكة السماوات كلها بها وفتح لك ابواب السما وفتح لك ابواب الجنة - [00:29:09](#)

وضعف الحسنات. واداكى فرص وفي الاخر انا مش فاضي يا رب. انا مشغول. مش آآ يعني مش عشر السنة الجاية بقى يا رب. انت متخيل! انت متخيل بعد اللي ربنا عمله لك ينفع ان انا ما استجبش وما لبيش نداء الله سبحانه وتعالى - [00:29:33](#)

كل عمل صالح. طيب بصوا يا جماعة عشان طبعنا النص ساعة زمانا فات منها على الاقل تلت ساعة. فانا كده لسة لي دقايق. معقولة! عدت تمام تمام طيب خلاص ما هو قال لي نص ساعة خمسة وتلاتين دقيقة. ما ما تمسكوا في شوية قولوا كمل عادي يعني انتم لا لا - [00:29:53](#)

احنا يعني حسسوني بالمؤازرة يعني. فالله يحفزكم ويبارك فيكم يا رب. آآ يعني فعلا فعلا يا جماعة والله آآ اللي هيدخل جوة قلبي الوقتي وهيفهم انا باصص لكم ازاي آآ اللي جوايا لا يترجم. انا باصص ان كل واحدة وكل واحد قاعد قدامي كنز بكرة. انتم كنوز - [00:30:12](#)

نظرات عنيكم الصامته داهي. انا عارف ان وراها عقول مليانة ابداع. وقلوب مليانة مشاعر. انت خسارة يا ابني انت خسارة. انتم اغلى مما تتخليوا. انتم مليانين طاقات تغير الدنيا كلها. انتم عارفين انتم مش ناقصكم غير حاجة واحدة بس. عارفين يا ايه - [00:30:38](#)
حد يؤمن بكم. والله العزيز ان المجتمع اللي انتم عايشين فيه يبقى في زهركم. ان المجتمع اللي انتم عايشين فيه ده مؤمن بكم وببيدكم الفرصة الحقيقية بتاعتكم انتم تغيروا الدنيا كلها - [00:30:59](#)

انتم بكرة. انتم المستقبل الحقيقي. انتم جواكم كمية كنوز ومواهب. عشان كده انا الوقتي املي ان الخير كبير اوي اوي اوي اوي اللي ربنا مديه لك ومدھولك ده تستغله في رضا الله وفي نجاحك في الدنيا. تبقى - [00:31:11](#)

نجم في الدنيا والدين. لان انتم تقدروا تبقوا نجوم. تقدروا تبقوا اعظم مما تتخيلوا. ربنا يوفقكم ويبارك في مستقبلكم. طيب نتكلم في اخر حاجة بقى نعدي كل الكلام اللي انا كنت هقوله ونتكلم فيه صفقات العشر. الصفقات آآ بتاعة العشر تتوقعوا ايه - [00:31:31](#)

ايه الصفقات اللي احنا ممكن نعملها في عشر ذي الحجة يا جماعة؟ نسميها مثلا الصفقات العشر في عشر ذي الحجة. ايه العشر صفقات؟ اول صفقة ها الزكر اول صفقة التكبير ها اول صفقة - [00:31:50](#)

ها شغله معي بتقول ايه الاستغفار طب استني بقى نقف هنا. التوبة والله انا اسف انا انا نفسي ابقى يعني سامع الجميع وعارف ان في ناس بتقول اجابة صح بس انا يعني ايه غصب عني يعني مش هقدر - [00:32:10](#)

ان انا ابقى سامع كل حاجة. آآ التوبة. قبل ما اكلمك عن الزكر. قبل ما اكلمك عن ثواب العبادة. قبل ما اكلمك عن ثواب خاتمة قرآن في عشر ذي الحجة او انك - [00:32:29](#)

جزء القرآن كل يوم. الاول التوبة. الاول آآ يعني قاتل نيرة اشرف نفذ فيه الحكم من ساعات. هو آآ هو الزنب في الدنيا عقوبته وحشة اوي كده؟ اوي وفيديوهات آآ لأ واهله بيتسلموا الجسة لأ ومش عارف ايه ، لأ وهو رايح المستشفى الدولة عشان يتأكدوا ان هو مات - [00:32:39](#)

لأ ومش هو اومال عقوبة الزنب في الاخرة بتبقى ايه النبي عليه الصلاة والسلام وهو راجع من غزوة خيبر فراجعين غزوة خيبر في جهاد اليهود والنبي راجع منتصر. والصحابة معهم بقى ايه؟ منتصرين في معركة مع اليهود. وانتهى وجود اليهود في الجزيرة العربية - [00:32:59](#)

وهما راجعين واحد من اليهود يعني بيسموهم ايه حد مستخبي كده وقام رامي سهم فغلام النبي عليه الصلاة والسلام الخادم بتاع النبي السهم جه فيه وقع مات. الصحابة كلهم قالوا ايه؟ هنيئا له الجنة. هنيئا له الشهادة. شاهد - [00:33:19](#)

رسول الله وخدم رسول الله ومات شهيدا في سبيل الله. الله اكبر! ايه الموتة الحلوة دي النبي عليه الصلاة والسلام صدم كل الصحابة. قال لهم كلا كلا ان الشملة التي ظلها لتلتهب - [00:33:39](#)

في قبره ناراً. قال لهم لا لا لا لا. ده في الغنائم بتاعة خيبر سرق حنة من الغنائم الحنة دي بيتعزب في قبره بسببها. ان الشملة التي اشتملها زنب هو ممكن زنب واحد يتعمل به كده بيقى اول - [00:33:59](#)

عمل في عشري الحجة التوبة. قبل ما نفكر واحد صاحبي كان اه رجل اعمال يعني واحنا زمان كنا طلبة فيعني بس هو كان بيتاجر في كده فبيقول لي انا النهاردة خسرت عشرين الف جنيه. كان ايامها طبعا الشقة التملك آآ على المشاية مسلا بميت الف جنيه يعني الكلام ده كان زمان قوي قوي يعني. فبنقول له ليه - [00:34:19](#)

الا ان انا بعت شقة كان ممكن اكسب فيها عشرين الف جنيه زيادة والراجل غلبنني وانقصت عشرين الف لاربعة وبيعته ان النقص في الارباح خسائر. بيقى رقم واحد التوبة. ان قبل ما ندخل عشر ذي الحجة نجدد التوبة مع ربنا - [00:34:39](#)

وبجدد التوبة معه ازاى ما انا عارف ان في حياتي شبهات وحاجات بعملها انا حاسس انها ممكن تبقى غلط ومش هقدر اسيبها وفي حاجات في حياتي ممكن اكون متأكد انها غلط. ومش هاقدر اسيبها. وفي حاجات انا ممكن اسيبها - [00:34:58](#)

بس انا عارف ان انا هرجع لها ثاني. تب لربنا برضو. يا عم باقول لك هارجع. يا عم باقول لك تب. يا عم باقول لك آآ انا عارف انا باقول لك ايه ، وانا عارف انا باقول لك - [00:35:19](#)

تب لربنا حتى لو انت متأكد انك انت هتعصي بعد دقيقة. ويقبل ويقبل ويفرح لله افرح بتوبة احاديث عايزة تفرحي ربنا بك النهاردة كده اقفي كده ولو تقدر في ركعتين ها وقولي يا رب رب اغفر لي وت - [00:35:29](#)

علي انك انت التواب الرحيم. بس كده بس كده بس من قلبك. طيب الصفقة الثانية بعد التوبة الصفقة الثانية بعد التوبة ها انت كنت قلت الزكر مين اللي كان قالت الزكر؟ الزكر. زكر الله يا جماعة. يا جماعة عشر ذي الحجة انا مش عايز الخاتم ده انا انا بعت اجيب لكم

خمس ست خواتم او - 00:35:50

زحم آآ يعني مقابل عهد ومواسيق يعني. الخاتم ده انا مش عايزه يسحب ايدك في عشر زي الحجة. والله العظيم الخاتم ده الخاتم ده بكام ؟ حوالي كان بستين سبعين جنيه من آآ من سنة ونص كده. انا ما اعرفش دلوقتي بكام - 00:36:13

بكام مية قولي بمية ايا ما كان. الخاتم ده والله العظيم لا يساويه اموال الدنيا ليس الخيط ان انا باخده في سفريه وانا مسافر مصر. عندي اي مشوار ولا عندي اي حاجة في القاهرة وطول ما انا ماشي في الطريق سبحان الله سبحان الله سبحان الله! انا باجي ابص في المنزر في الاخر انا - 00:36:28

الرقم ده اتعمل وانا ماشي كده في وسط المشاوير يعني وانا جاي كده مسلا من بيتي وخذته من الشنطة بتاعتني وحطه في ايدي سبحان الله تيجي بص ايه ده! معقولة! اللهم بارك! هو احنا يا جماعة آآ انزلوا تحت كده! هتلاقوا فلانة بتتكلم مع فلانة آآ فلانة -

00:36:47

النهاردة بعث لي او حصل كذا او فيه مشكلة كذا وفلان بيتكلم عن مشكلة كذا. الناس بتتكلم عن الدنيا. تخيل بقى لما انت مسلا تكبر وتبقى اب ويجي واحد يسافر لك في بلد الغربة يقول لك ابنك على طول في سيرتك. ابنك ما بيتكلمش غير عنك. شوفي فرحة ربنا بك - 00:37:07

لما تبقى الدنيا كلها بتتكلم عن الدنيا وانت بتتكلمي عن ربنا وانت بتذكر ربنا الزكر ده من اسباب المعجزات. لو اه لو عايزة يعني انت حاسة انك محسودة؟ حاسة ان فيه حد عامل لك سحر؟ حاسس ان فيه حد - 00:37:27

الرسول عليه الصلاة والسلام يقول يعقد الشيطان على قافية احدكم ثلاث عقد عقد يعني ايه؟ الشيطان ببسحر لك. يعني كأن حد سحر النبي عليه الصلاة والسلام يقول فاذا قام فذكر الله انحلت عقدة يعني الزكر بيفك - 00:37:45

اخطر سحر موجود على وجه الارض. السحر اللي ابليس بيعمله لك. ايه السحر اللي بعد كده اللي الزكر ما يفكوش؟ الزكر من اسباب سعة الرزق. الرسول عليه الصلاة والسلام يقول - 00:38:05

سبحان الله وبحمده بها يرزق كل شيء. يعني سبب رزق الدنيا دي سبحان الله وبحمده. يبقى انت لما تذكر ربنا رزقك يزيد. حد

حبيبي كان جاي يوصلني الايفينت ده بس هو حصل له زروف عارضة. له ابن اسمه حازم - 00:38:15

سمع حازم. فبقول له انت مسميه حازم ليه ؟ قال لي لان انا عرفت ان مراتي حامل بعد آآ كان في قال انا زوجتي كانت رافضة احمل رفض الحمل وآآ مصممة على ان يعني مش عايزة الفترة دي خالص يبقى فيها اي حمل. فيقول فانا كان نفسي في ولد اوي كان

نفسي في ابني اوي - 00:38:34

حضر لي درس كنت بتكلم عن الاستغفار. فيقول لي مسكت بعد بعد الدرس الاستغفار على طول ليل نهار. بيقول لي في الشهر ده حبلت وهي مش عايزة تحمل زوجتي حملت. فيقول لي فانا استبشرت بقى فقمت ايه ؟ قمت مسميه على اسمك. هو الزكر بيجيب

زرية ؟ اه والله - 00:38:54

هو زكر بيجيب فلوس؟ اه والله بيجيب فلوس. هو الزكر بيجيب نجاح في السانوية العامة؟ هو الزكر بيجيب نجاح في الحياة؟ هو

الزكر بيجيب جواز مرة كنت قاعد في الحرم - 00:39:14

فجا لي شاب من الشباب شاب آآ يعني وسيم كده وآآ الشد طول ما هو قاعد يحكي لي القصة. هو قاعد يعيط وانا قاعد اعيط احنا الاثنين قاعدين قصاد بعض في الحرم المكي طبعا بقى وهناك بقى الملوك طائرة في السما وقاعدين نطوف ونصلي فانا قعدت كده

فلقيت واحد جاي بيقول لي انا عايزك في خمس دقائق - 00:39:25

فانا طبعا في الحرم المكي يعني ايه ما حدش يقرب مني يعني لو حد شافني في الحرم المكي حد يهرب مني لان انا ببقى رايح عامل زي مريض العناية المركزة انا - 00:39:45

داخل ما عنديش دقيقة. انا عايز اطوف عايز اعبد عايز اصلي. عايز ربنا ينقزني قلبي من الدنيا اللي احنا فيها. فانا عايز اهرب منه.

قال لي خمس دقائق بس. هحكي لك - 00:39:55

مالك يا عم الحاج قول يا عم قال لي انا قعدت هنا في الحرم اسبوع كامل اعتكفت. قلت انا مش هبطل استغفار اسبوع كامل قلت مش هبطل استغفار. قال لي كنت بنام وانا باستغفر. واصحى وانا باستغفر - [00:40:05](#)

قال لي وهو طبعا عنده واحد شاب مصري عادي يعني هناك وظروفه يعني اقل من العادية هناك. قال لي فبعد يومين ثلاثة كده كان فيه واحد آآ يعني واحد سعودي كده او واحد بلبس سعودي بيقد جنبي وانا ما ليش دعوة به. انا قاعد استغفر طول الايام اصحى نايم استغفار في استغفار. بيقول بعد - [00:40:22](#)

الاسبوع اللي انتم جاي لي بيقول لي بقول لك ايه. فقلت له اتفضل. قال لي انا عندي مجموعة فنادق هنا حوالين الحرم وعندي محاسبين ولكن انا عايز واحد يمكس مدير حسابات الفنادق كلها. ممكن تمكس لي مدير حساباتي. قال لي انا قال له انا حسيت انك انت راجل صالح كده. تمكس - [00:40:42](#)

مدير حسابات الفنادق ده طبعا ده مبلغ فيقول له ماشي. قال له طب عايز اقول لك حاجة تانية. قال له ايه ؟ قال له انا عندي بنت. وبنت كويسة جدا. يعني مش آآ مش يعني بنت كويسة جدا. آآ تقبل انك انت تتجوزي - [00:40:59](#)

وتبقى زوج بنتي. فهو طبعا هو قاعد يحكي وهو قاعد يعيط قاعد عينيه دي بقت حنيتين كده وانا قصاده انا كمان قاعد احنا قاعدين مع بعض من ايه هو ايه الجمال ده يا رب! هو ربنا جميل اوي كده - [00:41:11](#)

هو زكر ربنا بركة في الحياة اوي كده. هو اللي هيقف على بابك يا رب هتجبر خاطره اوي كده! هو ايه الجمال ده! ذكر الله سبب يبقى ده ثاني صفقة في عشر زي الحجة. زكر ربنا اعظم سبب للسعادة. طب الصفقة الثالثة - [00:41:27](#)

احنا قلنا الصفقة الاولى التوبة. الصفقة الثانية الزكر الصفقة الثالثة بسرعة كده بسرعة كده بر الوالدين بر الوالدين. مين هنا زعلان من مامته او باباه؟ طب خلاص خلاص انا اسف حبيبتي ربنا - [00:41:44](#)

ربنا يصلح لك حالك يا رب. ربنا يجعلهم كده مين هنا زعلان من مامته وباباه احنا نصورهم ونزلهم لأ نفقنا ده موضوع ده قصة كبيرة قوي طب مين هنا مش تراضي عن نفسه مع مامته او باباه - [00:42:04](#)

برضو؟ ايوه تمام بالزبط كده بالزبط كده ان آآ انتم شباب في عمر الورد. وآآ اختلاف الاجيال الفجوة فيه كبيرة جدا صعب جدا جدا ان جيل الالباء والامهات يبقى فاهم الاولاد. الحل واحد صاحبي نصحني نصيحة. انا بصراحة باحاول اطبقها مع آآ - [00:42:24](#)

يعني مع ولادي مع بناتي يعني قال لي مشكلتنا مع ولادنا ان احنا عايزينهم يعملوا يوتيرن في اتجاه معين نزاكر شف مصلحتك هتشوفي كذا وهو انت واحد واقف برة حياته. الحل ان احنا كلنا نركب عربية واحدة مع بعض. ما ييقاش الالباء والامهات - [00:42:46](#)

في اتجاه والاولاد في اتجاه الحل ان يبقى في وقت مننا لبعض. الحل ان احنا نقرب من بعض ونفهم بعض. بس انا عايز اقول لكم حاجة عشر ذي الحجة اخطر حدث في التاريخ. في بر الوالدين حصل في عشر ذي الحجة. اخطر بر ابن بره - [00:43:06](#)

في التاريخ حصل في عشر ذي الحجة. حد عارف هو ايه قولي تمام ايوه سيدنا اسماعيل سببه يحط السكينة على رقبته. قال له يا ابت افعل ما تؤمر تجدني ان شاء الله من الصابرين. يعني يعني مش ابوه زعق له وهو ساكت على الزعيق. مش باباه مش فاهمه. فقام مشوح له - [00:43:25](#)

وقفل الباب وراه وقلبه بيتقطع وضميره مقطعه. وهي زعلانة انا بعامل ماما كده ليه انا بعامل انا بحبك والله يا ماما انا بحب مامتي. بس انا فعلا مش قادرة ان انا اعلمها حلو. ده واحد ابوه حط السكينة على رقبته - [00:43:58](#)

استسلم له وهو ما اتكلمش معه برا بابوه وطاعة لله سبحانه وتعالى في عشر ذي الحجة من اعظم اعمال عشر ذي الحجة بر الوالدين عشان كده اللحظة اللي سيدنا ابراهيم حط السكينة على رقبة ابنه. دي اللي دلوقتي عندنا في الاسلام ايه - [00:44:15](#)

لحزة صلاة العيد بقت العيد بتاعنا ، لان احنا اعظم معنى في حياتنا هو التضحية. عشان ربنا. فاللحزة دي بقت عندنا العيد الكبير. عشان نبقي عارفين المعاني اللي عندنا في الاسلام. كنت بقول ايه يا سهيلة بقى فكرينا انا كنت بقول ايه. انا نسيت كنت بقول ايه -

[00:44:32](#)

سبب حد يفكرني يا رجالة. بر الوالدين الصفقة الرابعة ايوه عايزك بقى تروحي البيت النهاردة كده ماما حبيبتي يا ماما وتقومى

واخداها استني هي اصلا هتعتقد انك سخنة هي تحط ايدها كده - [00:44:51](#)

ما لك يا بنتي سلامتِك يا حبيبتي انت كنت فين ؟ داخلَة مشطبة المطبخ كده وبابا حبيبي يا بابا انت البنطلون بتاعك انا ممكن اكويه لك قبل ما تنزل عشان تبقى نازل كده يا ملك يا - [00:45:10](#)

ما لك يا حبيبتي؟ انزلي يا ابني هات ميزان حرارة من اجزاخانة يا ابني تشوف ايه اللي حصل. على فكرة يا جماعة آآ انا عارف ان كتير منكم آآ في حاجات كتير مامتهم وباباهم بيعملوا معهم حاجات مش مش اصح حاجة - [00:45:23](#)

ولكم حق تزعلوا. والله العزيز عارف. والله باتكلم من قلبي. وانا في يوم من الايام كنت قدكم. وكنت بافكر بنفس الطريقة ولكن

الرسول عليه الصلاة والسلام بيقول الوالد اوسط ابواب الجنة - [00:45:42](#)

فان شئت لأ انت بصي انت شكلك زعلانة زعل خلاص هبقى اعرفه منك. انت انت شكلك فيه حاجة مزعلاكي فايه فده حاجة انما انا بتكلم عموما الرسول عليه الصلاة والسلام بيقول الوالد اللي هو ماما وبابا يعني. اوسط ابواب الجنة. يعني اعدل ابواب الجنة. فان

شئت فخذ هزت او اضعه - [00:45:57](#)

- [00:46:17](#)